

1 Timoteo

Kiwi oo icac hénia zéma mériaŋ ac.

¹ Anǵén titi miŋina Anutu zéma niŋkumunina Kristo Yesuac zézé seli ac niŋac Kristo Yesuac Méliméli ic wawaŋa ni Paulonéŋ

² ninzén ninzén qeriaiguc naŋ téŋgéŋna waŋec Timoteo guac muru kiwi yomi oma haiwa hazac. Anutu maŋgoc zéma Miŋ Kewunina Kristo Yesuac murunec ewa hia zéma wésé niniŋ zéma luaenéŋ guac muru hema kecmac.

Pakeŋ ac ikorawac goro ac.

³ Ni Makedonia baeciguc keŋi nalé imuaru Efeso ama areŋa yandaiguc waima kecbésémaŋ niŋac zénaŋgé géŋi imi, gi ic embac tosara zéseli énécmima pakeŋ ac ikora tosara ménda ku énécmima

⁴ nemu suruc zéma hicŋisaiac qac areŋa imuhucyawac niŋkoro ménda wammuc niŋ imuhuc waŋi. Ac imuhucyanéŋ Anutuac ai areŋa ninzén ninzén qeriaiguc hezac imi ménda meselimac, néŋ néwécgeŋa zééŋ zéma mihicŋianzac.

⁵ Pakeŋ ac imuac héla imi goi héihéi imi mia, waŋu goi héihéi iminéŋ ewa qeri qala qala zéma niŋtegic qindegic hiabia zéma ninzén ninzén so-laŋa imuacnec hicŋihicŋiya.

⁶ Ic embac tosara ieneŋ imi sigima ac eŋomia imuaru qiziziŋgéma keŋanzu.

⁷ Ieneŋ héná acac kiwi ic wambinŋ zé waŋ énécmianzac, néŋ enaŋ ac me héipuc ac zéanzu imuac hénia acguc ménda niŋasarianzu.

⁸ Waŋu nini yomuhuc niŋanzinŋ, ic embac méŋnéŋ méŋ héná ac imi héná dindinacnec méndacmaciguc héná ac imi hiabia wanzac.

⁹ Héná ac imi ic solana ionac niŋac ménda hezac, néŋ ic embac tosara yomuhucyawac hezac, héná ac logianzu, acqeŋe waŋanzu, Anutuac eeya ménda héianzu, kápésic waŋanzu, ménda météré amuma kecanzu, kaiziliweŋ waŋanzu, neŋgoc hécgina me maŋgoc hécgina unuhumuanzu, ic embac ionac kekecgina unuhumuanzu,

¹⁰ kaisero waŋanzu, icnéŋnec ic alayaguc me embacnéŋnec embac alayaguc sero ai meanzu, ic embac iwawai ésécnec soukiwa niŋac haianzu me meanzu, ikoc waŋanzu, ikoc wamma héipuc ac zéanzu, zéma haka méŋac méŋ pakeŋ ac dindina imuac qacqotikicya waŋanzu imuhucya.

¹¹ Waŋu pakeŋ ac iminéŋ mériaŋ miŋina Anutunéŋ énézémanŋ niŋac qutuŋgé néŋec buŋa suruc hiabia edamuyaguc imuac mia méndaczac.

Anutunéŋ ewa hiawac Paulo goiya héiyec.

¹² Nuac mia ai ic keŋhéi hahéiya qahac zénemma ai buŋa qenéŋec imuac niŋac ni kuc mihicŋi néŋec Miŋ Kewu Kristo Yesuwac ewa hia ac ézézua.

¹³ Ni becnec imi miŋ kewu mema titi wammima ai ichéra ununesi waŋ énécmima zébiri qébiri wammima keru. Néŋ ni ménda ninzéŋgéma hénia

ménda niņasarima imuhuc waņi, imuac niņ inéņ kilenj wésé niniņ waņ néņec.

14 Miņ Kewuninawac ewa hia imi ninzénj ninzénjina zéma goi héihéi Kristo Yesuac qeriaiguc hezac imiguc momacnec qacnaiguc qocgénéņu kuaya qeqeya hezac.

15 Ic embac moczoņ yandanéņ angéņ timuac séc ackuazéc yominéņ héla wanzac. Zéyecnéņ; Kristo Yesunéņ késpedesic ic angéņgina tiénécmaņ zé baeciguc mayec. Waņu késpedesic ic ionac sugginaiguc neņ imi tosara onogicma ic biria wanzua.

16 Waņu Yesu Kristonéņ nalé horua késpedesicna bisiqatéņ wannéņec haka iminéņ bianğuc Miņ Kewunina ninzénjgéma kekec hémbénaņa memu ionac muru séséc wammac niņac ni imuhuc wésé niniņ waņ néņec.

17 Ic kewu hémbénaņa, ménda houhouya, kicninanéņ ménda héhéņa, Anutu momacğuc sac kekera, iwac muru ee héihéi zéma edamuyanéņ nalé tetecgia qahac hema kecmac. Hélacnec!

18 Naņna Timoteo ni ac pakeņ yominéņ zéseli génzua. Becnec kugéņi bianğac ara imi méndacma ackuazéc iminéņ yaré ic ésécnec haka hiabiawac yaré qema kecbésémaņ.

19 Ninzénj ninzénj zéma ewa kėtiņkėtiņ késa kecbésémaņ. Tosara eneņ ewa kėtiņkėtiņ imi qetaligic qahac waņu ninzénj ninzénjgina imi kondurj zéic ésécnec zéņgédarec.

20 Ic imuhucya ionac sugginaiguc Humeneo zéma Aleksande keczaoc. Iri imi kitiwa mema zébiri qébiri ménda wammaoc niņac Biria miņinawac mériaiguc waiérécmiyi.

2

Zéwelec welecac hénia.

¹ Imuac ac walac zéma zénaṅgé gémman zé wanzua imi yomuhuc; Ic embac moczon yanda ionac wamma zéwelec welec zéma zéqesiqesi zéma miṅ suc wamma zé welec welec zéma ewa hia ac wammima

² ic kewuya kewuya zéma tatac eṅeṅa késa kekera moczon ionac imuhuc wammu. Imi mia nini Anutu mepésima haka eeyaguc bénzén luaeiguc kecbiṅ niṅac.

³ Haka imi hiabia, waṅu aṅgén titi miṅina Anutu ségiségi mihicṅi mimacac séc wanzac.

⁴ Anutu imi ic embac moczon aṅgégina tiyu keremma ackuazéc héla niṅasarimu niṅac waṅanzac.

⁵ Anutu imi momacguc sac keczac. Waṅu Anutu zéma ic embac sucninaiguc ic miṅ sucnina acguc momacguc keczac. Inén mia hélacnec ic wamma baeciguc kerec Kristo Yesu mianén.

⁶ Inén ic embac moczon neṅaṅ niṅac wamma eṅeya kekecyā mulu meme buṅawac hai nénécmiyec. Haka imi naléya niṅu heyec imuaru hicṅiyec.

⁷ Imuac mia ni ackuazéc zéauau ic zéma Yesuac Méliméli ic kumu néṅu, ac yomi hélac, ikoc qahac. Ninzén ninzén zéma ackuazéc héla imuac qeriaiguc ni baera baera ic embac ionac kiwi ic waṅi.

⁸ Imuac niṅac ama séc ic eneṅ qeri biric qahac, zéqeqetali qahac, méragina téréya meemma zéwelec ai memu niṅac wanzua.

⁹ Wañu imuhucyanec embac eneñ acguc séwi usugina imi hénaríñ kekecginawac sécyaguc meamuma hémbéngina héima kecgic inícgic sécgémac. Néñ oruc zucgina hiabianec mizicmizic zéma goli me hoc boña eneña zéma séwi usu boña eneña ménda haimu.

¹⁰ Wañu haka hiabia wamma Anutu eeya héimimia séciguc kecanzu imuac héniaquina mewininimu.

¹¹ Embac méñnéñ méñ moczoñnec niñtoho wamma béñzéhñec niñiñ ai mema kuamumu.

¹² Embac méñnéñ pakeñ ac ic méñac ézémac me icya miñ mañgoc wañ mimacac niñac oaec ménda zémizua. Inéñ ara qaiyu kecmac.

¹³ Adam walac mihicñi mimaguc Ewa mihicñi miyec imuac mia imuhuc zézua.

¹⁴ Wañu Adamwac ikoc ménda wammiyec, néñ embacac ikoc wammiyu kápésic mihicñiyec.

¹⁵ Wañu embac eneñ séciguc kecma ninzén ninzén zéma goi héihéiiguc météré amuma kecma héri haima merac mihicñiyu añgén titi mihicñi mimia wammac.

3

Qeria galeñ zéma méra baoc ic.

¹ Ac yominéñ héla wanzac. Méñnéñ héngaleñ ai imuac ewayanéñ niñkumu wanzaciguc qerianéñ ai hiabiawac memañ zé niñanzac.

² Imuac niñac héngaleñ icnéñ aciguc ménda opocopora wamma iniña momacgucac euya wammima qerinéñ séwíac siñ sigi kecma niñtegic qñtegyaguc haka eeyaguc wamma ic tosara

onac goigina héima pakenj ac hiabianec ku énécmima

³ doku seli sasala ménda nema binj qeçeyawac ménda efima qeri bénzénac kecma zéqeçetali ménda wamma soukiwa hinac niñac hémbaoc ménda wamma kecmac.

⁴ Wañu inénj eñeya iniñ merahéra hiabianec galeñgé énécmiyu nambérac héra ieneñ iwac eeya séciguc héimima niñtoho wammimuac hezac.

⁵ (Ic méñnéñ ménj eñeya iniñ merahéra hiabianec ménda galeñgé énécmima némaciguc Anutuac hénariñ hia galeñgé énécmimac?)

⁶ Ewa qeri melenjuguc nalé ménda horugizac ic imuhucyanénj galeñ ménda kecmac. Séwi eñeñ wañu Biria miñina zéteçgé miyec gésigési ac imuhucyawac miñicñiwac niñac.

⁷ Séngañeñ ic ieneñ acguc nimmigic séçgéanzac ic imuhucyanénj héngaleñ ai ic kecmac. Qahac wañu zébiri qébiri zéma Biria miñinawac bétaciguc hiñgacma héiwac niñac.

⁸ Méra baoc ic acguc imuhucyanec eeginaguc kecma ezelañgina kalé kalé ménda kecma doku seli sasala nezélélénj ménda wamma ikoc wamma soukiwa memañ zé hémbaoc ménda wamma

⁹ Ewa kétéñkétéñ qala qalagia zéma ninzénj ninzénja ewa qeriaiguc téñgéyu heheya imuhucya késa kecmacac hezac.

¹⁰ Wañu walac ala batuc wañ énécmima in-icgic héniaçina solañ qeçe wañu méra baoc ai ic onopocgic welenj qeénécmimu.

¹¹ Iniñhéçgina imuhucyanec eeginaguc kecma zébiri qébiri ménda wamma qerinéñ séwiac siñ

sigi kecma ai hénia hénia kunqan qahac wandacmu.

¹² Méra baoc ai icnéj embac momacgucac euya wamma nambérac héra zéma ama tacyachéra hiabianec galeŋgé énécmimac.

¹³ Méra baoc ai hiabianec wandacgic ienej nanaŋgina hiabia mihicŋima ninzénj ninzénjina Yesuac wamma késa keczu imi zénéj hirihiri qahac zéau énécmimu.

Buŋa suruc hiabia imuac hénia saŋa.

¹⁴ Ni guaru foc hamaŋ zé ninzua, néj kilenj kiwi yomi ogénzua.

¹⁵ Kecba nalé horugiyu geŋ Anutuac amaiguc haka dimuhuc wambésémaŋ imi niŋ asariwésémaŋ niŋac ac yomi zézua. Ama imi Anutu kic qeli kekera iwac héihéré énécmimia zéma ac hélawac tandéya zéma qambaŋa wanzac.

¹⁶ Héna téréya yomuac hénia sasaŋgia imi qeyu hiŋgac hiŋgara wanzac. Imuac ewa éréhéc ménda wanzua. I imi séwiiguc hicŋjitegirec. Waŋu Uŋa téréyanénj hénia solaŋa imi zéhicŋiyu kua meme uŋa eneŋ héngic. Waŋu baera baera zésaigic ic enia eneŋ ninzénjé migic. Waŋu meyacmiyu ou emma eebipiyaguc kecanzac.

4

Kiwi ic ikora.

¹ Waŋu uŋa téréyanénj yomuhuc pitiri zéasariyec; Bianguc tosara eneŋ ninzénj ninzénj imi waimu. Waŋu uŋa biria ionac ikoc ac zéma kuwi ionac pakeŋ ac méndacmu.

² Pakenj ac imuhucya imi kiciguc welenj qeque ic ewa kétéñj kétéñgina gericnéñj oqeyu ikoc ac wañanzu ionac murunec haanzac.

³ Ieneñj imi ic me embac ménda mema qarapé kecmu. Wañu nene imuhucya imuhucya ménda nema imuac sigi kecmu. Néñj nene imi Anutunéñj ninzénj ninzénj ic zéma ac héla ninzu eneñj ewa hia nimma mema nemu niñjac zéyu hicñidarec.

⁴ Iwawai Anutunéñj zéyu hicñiyec imi moczonj hiabia. Imuac niñjac ewa hia ézéma késanec wañanzinñiguc méñjac méñj qequetaliya ménda hezac.

⁵ Anutuac ackuazéc zéma zéwelecninanéñj météré mimia wanzac imuac niñjac imuhuc zézua.✧

⁶ Geñj ac iminéñj dacmuna hécnina measari énécmima Kristo Yesuac ai ic hiabia wambésémañj. Wañu geñj méndacanzañj ninzénj ninzénjac ackuazéc héla zéma pakenj ac hiabia iminéñj qeri uñaga meyandi wañgémmac.

⁷ Héré embac neñgiawac ac eñjomia zéma nemu suruc imi andé qema Anutu eeya héimima kecmañj zé meefiefi ai mewésémañj.

⁸ Séwiac meefiefi ai imi komodia nañgé gémmac, néñj Anutu eeya héimima kekec iminéñj wawañj memega sasala nañgégénju kekecga deguc keczañj imuac qeriaiguc zéma kekec hémbénañaga bianñguc hahaya imuac qeriaiguc momacnec sisipac acwac buñja hegémmac.

⁹ Ac imi hélacnec wañu momac yanda nimma késa kekerawac séc eeyaguc wanzac.

✧ **4:5:** Mat 15:11, Mrk 7:18,19, 1Ko 10:31

10 Wañu neñañ Anutu, kicqeli kekera, iwac muru niñkumunina haini hezac imuac niñac héla imuac mia neñañ kucnina moczoñec ai meanziñ. Wañu inéñ momac yanda neñañ añaññ titi miñina keczac, néñ ninzéñ ninzéñ ic neñañ imi muñguc yanda meemma añaññina tianzac.

11 Ac yomi zéseli énécmima ku énécmima.

12 Gi sac qeli keczañ imuac niñac méñnéñ méñ guac niñgic mamaya wambac niñac. Imuac galeñgé amuma guac ac zéma wawañ meme zéma ninzéñ ninzéñga zéma niñkumuga solañaiguc ninzéñ ninzéñ ic tosara ionac kicginaiguc séséc hiabia wambésémañ.

13 Ewa qeriga moczoñec ackuazéc oloñ énécmima zénañgé énécmima ku énécmima kecnanec ni hamañ.

14 Qeria galeñ ieneñ Uña téréyawac murunec ac zéhicñima méragina orucgaiguc haima mériañ ac zégic imuac héla ewa hiawac géñgéña iminéñ sohowac niñac, imuac niñna mamaya ménda wammac.

15 Wañu ai hénia hénia imuhucyaiguc ewa qeriga zéma kucga moczoñec ai mena yandima keñu héndacmu.

16 Gi geñga zéma pakeñ aigawac hiabianec galeñgéma zéñgé toroya qahac imuhuc wammanec kecbésémañ. Imuhuc wambésémañiguc, gi añaññ titi geñga mihicñi amuma ic embac ackuazéc imuac gezac qema niñanzu ionac momacnec mihicñi énécmiwésémañ.

5

Welen qeque ai imuac ai ara.

¹ Ic nengia ac geriwaguc ménda wammiwéséman, néj niŋna maŋgocga ésécnec waŋu bénzénec zénaŋgé waŋ miwéséman. Merac sac qeli méŋac imi munaga ésécnec qacguc wammiwéséman.

² Waŋu embac yanda imi nenŋocgawac séciguc, embac sac qeli imi nauŋgawac séciguc nimma inichaoc ménda wamma qeri solarŋanec waŋ énécmiwéséman.

³ Waŋu embac malé téngén imuac eegina héiwéséman.

⁴ Embac malé mén nambérac me esahéra kecmizuiguc énézégic ienen walac nenŋoc maŋgocgina zéma awu asagina ionac goi héihéi imuac tasé ku énécmima amginaiguc sactasé hécgina goigina héima haka imuhucya niŋaren wammu. Haka imuhucyanén Anutu ségiségi mihicŋi mianzac.

⁵ Embac malé héra imi eneyanec sukusisi wamma kecanzaciguc Anutuaru niŋkumu kumuya haima siŋi kaiwe séc zéngé toroya qahac zéwelec ai memac.

⁶ Embac malé mén séwiac siŋa sac méndacma waŋanzaciguc i imi qeliqeli néj humumia tanec keczac.

⁷ Ac imi acguc énézéna tohoma kecmu, eŋ imuhucyanec kecma ac mihicŋiwu niŋac.

⁸ Ménénéj mén sactasé héra me imuacnec toroqema iniŋ merachéra ménda inicgalen

wammaciguc ic imi ninzén ninzén andé qema ic enia onogicma ic biria keczac.

⁹ Embac malé ic momacguc sac mema kerecac deguc 60 bawaiguc ménda keczac imuhucyawac sac, qara newahalen wawanawac kiwiiguc haimimiawac hezac.

¹⁰ Wanu nambérac héra hiabianec galenagé énécmianzac me ic kian goigina héianzac me ai ic téreya welen qeénécmianzac me helanzi énécmigic yéwéri ginaguc kecanzu ionac méra énécmima haka hiabia hénia hénia wamma memañ niñac kekecyá qutuñgé amuma keru héipuc wamma héñanžuiguc imuhuc wammimu.

¹¹ Embac malé sac qeli imi qetali énécmima kiwi imuaru qacgina ménda omu. Imuhucya imi séwíac siñnéñ héré énécmiyu Kristo andé gemu nalé imuaru ic mewinac zé wammu.

¹² Imuhuc wamma ninzén ninzén walac késagic imi timbecgéma gésigési acac buña wanzu.

¹³ Imuacnec toroqema ienené qéizén wamma kecma mézétiti haka imi niñarenagéma añgétima ama arené séc lelecgéma embac enomia kecma ac nenesicya lisi sicsaoc olomma kemma ac ménda zézéyawac séc zéanzu.

¹⁴ Imuac embac qawéc sacqeli ionac imi yomuhuc wammu niñac wanzua. Ienené ic muñguc mema nambérac mihicñi énécmima eneya amaya galenagéma kecgic hazéc miñina zébiri qébiri ac wané nénécmimané zé titiña méné ménda mihicñimac.

¹⁵ Embac qawéc tosara ienené bec Biria miñina méndacbiñ zéma liliñgéma kenjic.

¹⁶ Ninzén ninzén ic ménac sac taséhéra

sucginaiguc embac malé ménj keczaciguc ninzénj ninzénj ic enjeyaoc embac imi galeñgé miyu hénáorinj qutuláñginanéñ yéwéri imi ménda bisima embac qawéc mageqeya imi ionac méra énécmiuac séc wammac.

¹⁷ Galeñj tosara hiabianec galeñgé énécmianzu ionac imi séc ménj eegina héi énécmima imuacnec buña suruc hiabia imuac zézé ic zéma kiwi ic ionac imi ogicma eegina héimu.

¹⁸ Kiwi téréyaiguc yomuhuc zézéya, burumakao iwa ménhénj padi gocmia tizizama séwéla qétiyu kuayaiguc ufić ménda haiwésémañ. Imuac niñac ai icnéñ ai boña memacac hezac.

¹⁹ Galeñj ménjac ara imi héipuc ic éréhéc me haréwéc qahac wañu ménda nimmima aciguc ménda opocmu.

²⁰ Ic embac késpedesic mihicñianzu imi ic embac momac yanda ionac kicginaiguc zémindiñi énécmigic tosia enenj haka imi hémma nimma bac yandi yandi wammu.

²¹ Ni pakeñ ac imi keñkésa hakésaya qahac mema geñga ewaga ménda méndacma dindiñanec tohowésémañ niñac Anutu zéma Yesu Kristo iwac kiwaiguc zéma kua meme uña énépésiyu keczu ionac kicginaiguc zéseli génzua.

²² Gi buña suruc hiabia imuac ai énécmimanj zé ic enjomia focdac méraga ménda hai énécmiwésémañ. Wañu ic tosara késpedesic wañgic ménda toroqe énécmiwésémañ. Wañu geñga météré amuma solañanec kecbésémañ.

²³ Gi hafi zepa toroqeu toroqeunec wañanzanj imuac niñj tomenjgawac doku sac ménda nema

waiŋ doku efefiadac momacnec newésémaŋ.

²⁴ Képésic tosara imi ic ionac wéséginaiguc winiŋu hicŋi tegiru bészéŋnec hémma niŋgésianziŋ, néŋ kápésic tosara imi andéginaiguc méndacma haanzac.

²⁵ Imuhucyanec haka hiabia acguc winiŋu hicŋianzac. Waŋu tosara hiabia qahac imi acguc musaŋgémuac séc qahac.

6

¹ Welenŋ qeŋe ic miŋhécgina ionac méra bawu keczu imi, ionac miŋhécgina nalé séc ee héihéi waŋ énécmimuac hezac imi nimma kecmu. Anutuac qac buŋa zéma pakeŋ acyawac zébiri qébiri hicŋiwac niŋac.

² Ninzéh niŋzéh miŋhéc ginaguc keczu imi eneŋ niŋzéh niŋzéh dacmuna kecziŋ zéma ionac niŋgic mamaya ménda wammac, néŋ énézéna ogicma welenŋ qeŋe hiabianec waŋ énécmimu. Imi mia aigina imuac héla imi niŋzéh niŋzéh ic, Anutuac siŋniŋ waŋ énécmimia ieneŋ eŋaoc késamu imuac mia imuhuc zézua. Gi imi héná yomi ku énécmima zénaŋgé énécmiwésémaŋ.

Sokiwawac ninij siŋsiŋ.

³ Méŋnéŋ méŋ pakeŋ ac méŋ ku énécmima Miŋ Kewunina Yesu Kристоac ackuažéc solaŋa zéma héná eeyaguc imuac pakeŋ ac Anutunéh niŋu sécgéanzac imuhucyawac ewa momac ménda wammac imi,

⁴ Inéh séwi eŋeŋ wamma hénia méŋ ménda niŋ asarima hazéc ac zéma zé qeŋetali acwac nimbaoc waŋaŋzac. Waŋu imuacnec mia nimbupuc

zéma euqaqac zéma zébiri qébiri zéma ewa éréhéc biria hicñianzac.

⁵ Wañu ewa qerigina houyu ac héla sohouyu héna eeyaguc imuac niñgic sokiwa memecac héna tanec wañanzac imi ionac murunec zéqeqetali ac hicñianzac.

⁶ Wañu niñgic ewagina hiaruyu héna eeyaguc iminéñ kuney yanda nañgé énécmimac.

⁷ Neñañ baeciguc iwawainina ménñ ménda mema hayiñ, imuac kembinñ zéma imuhucyanec méra eñnec kembinñ.

⁸ Imuac iwawai neneya zéma séwi usunina he nénécmizaciguc niñni sécgémac.

⁹ Hinac yandaguc wambinñ zé wanzu imi eney manam batuc zéma bétac zéma haka sicsaocya hénia hénia zéma séwi siñ biriaiguc maunumac. Haka imuhucya iminéñ ic embac héré énécmima mebiri énécmimac.

¹⁰ Soukiwa niñac siñniñ wammimia imi haka biria hénia héniaiwac zalia wanzac. Imuac niñac imuac wañanzu i mesoho énécmiyu ienenñ ninzénñ ninzénñgina waima rouc wamma kenña wañgic ewa gorogina sasalanéñ qeriginaiguc kumuyu biridaczu.

Paulonéñ Timoteoac pakenñ ac wammiyec.

¹¹ Imuac Anutuac ic gi iwawai imuhucyawac néngacma kemma haka solañña zéma wawaññ memec eeyaguc zéma ninzénñ ninzénñ zéma goi héihéi zéma bisiqaténñ zéma qeri bénzénñ imuhucyawac méndacma kembésémañ.

¹² Imuac gi imi ninzénñ ninzénñac yaré hiabia imuac qema kecbésémañ. Yaré hiabia qema

kekec hémbénaŋa aŋgég tiwésémaŋ. Hénia imuac mia gi guruyu héipuc ic sasala ionac kicginaiguc ninzég ninzégga hiabia énézénec.

¹³ Iwawai momac yanda kekec mihicŋi énécmianzac Anutu iwac kiwaiguc zéma Pilatoac muru ninzég ninzég ac hiabia zéau énécmiyec Yesu Kristo iwac kiwaiguc zéseli génzua.

¹⁴ Gi zézé seli ac yomi niŋ tohoma solanec zéqindiŋi ac méŋ ménda mihicŋima kecnanec Miŋ Kewunina Yesu Kristonég wininimac.

¹⁵ Nalé zéyec imi ducŋiyu Anutunég mewininiyu Yesu i wininimac. Anutu imi mériaŋ miŋina eŋeyanec momacguc, héŋgaleŋ miŋina, ic kewu ionac ic kewugina, miŋ kewu ionac miŋ kewugina wanzac.

¹⁶ Iwarunec sac humuc ménda hezac. Inég edamuya hosucgéwiŋac séc qahac imuhucya qeriaiguc keczzac. Waŋu méŋnéŋ méŋ ménda héŋec. Waŋu héhéŋawac séc qahac. Iwac muru eebipiya zéma kuc teteugia qahac hema kecmac. Hélaacnec!

¹⁷ Gi imi baec yomuac naléiguc soukiwaginaguc keczu ionac yomuhuc zéseli énécmiwésémaŋ, Ewa qerigina memaamuma hinac qahac wawaŋa imuac qahac, néŋ ségiségi mihicŋi nénécmiman zé iwawai moczoŋ sécnina ogicma nénécmianzac Anutu iwac muru mia niŋkumugina haimu.

¹⁸ Haka hiabia sasala waŋgic, wawaŋa meme hiabianég kekecginaiguc sécgé énécmiyu efima siŋa nimma tosara haleŋ sécgina haihulac waŋ énécmimu.

¹⁹ Imuhuc wamma hofi ama hélaiguc iwawai eeyaguc haigic eŋu iminéŋ kurumeŋac nalé ha-

haya imuaru qambanġina waŋu kekec h la aŋġeŋ timu.

²⁰ O Timoteo qutunġe ġeŋġeŋa imi galenġema k sa keema ninin h la z anzu, n n ninin ikora wanzac, baecac ac enomia houhouya z ma and  qeqe ac imuac mia and  qema kecb s maŋ.

²¹ Ic tosan n  ac imuhucya nesima kemma ninz n ninz n waima rouc wamma kenha waŋanzu.

Ewa hian n  iniguc hema keemac.

SISIPAC AC QELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 28 Dec 2024 from source files dated 31 Aug 2023

0403b50f-078d-52e2-a203-056e8a430665